



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Theologiæ Pastoralis Et Doctrinæ Necessariæ
Sacerdotibvs Cvram Animarum administrantibus**

Binsfeld, Peter

Avgvstæ Trevivorvm, 1609

24. Cap. De Iustitia, & iniustitia in emptione & venditione.

urn:nbn:de:hbz:466:1-40721

An venditio illicita reddatur ob defectum in
vendite.

CAPVT XXIV.

DE IVSTITIA ET INVSTI- TIA IN EMMPTIONE & VENDI- Tione.

Prima difficultas. An liceat rem carius vendere
quam valeat, & quomodo?

PRIMA Conclusio. Qui fraude, vel dolorem maioris, quam valeat vendit, mortaliter peccat, si excessus sit notabilis, & tenetur ad restitutionem, S. Thom. 2.2. q. 77. artic. 1. ab omnibus receptus, & constat ex lege naturali. Quod tibi non vis fieri, alteri ne feceris. Eadē estratio de emptore, si fraude & dolorem minoris iusto pretio emat.

Secunda Conclusio. Qui per ignorantiam probabilem, aut inuincibilem iniustè emit, aut vendit, non peccat durante tali ignorantia, certior tamen factus de iniustitia, tenetur ad recompensationem: alias non restituendo mortaliter peccat: Quia cum scientia vult retinere alienum, quod est contra iustitiam. S. Thom. in d. quæst. art. 2. S. Antoni. 2. part. tit. 1. cap. 16. §. 3. Scot. in 4. d. 15. q. 2. Sot. libr. 6. qu. 3. artic. 2. & hæc est communis opinio, vt Na-

gat.

varr. tradit in cap. Nouit, de iudicijs, notabili
6.num.66. & Couarr.lib.2.cap.4.num.ii.

Tertia Conclusio. Qui scienter etiam cessante
fraude & dolo, cum deliberatione rem ven-
dit pluris, aut minoris emit, quā valeat, si no-
tabilis etiam sit excessus, mortaliter delinquit,
& tenetur ad restitutionem excessus, cum sit
peccatum contra iustitiā, est communis Do-
ctorum sententia. Dictum (cum deliberatio-
ne) cum Nauarro in Manuali, cap. 23. numer.
87. ad excusandos innumeros, qui sensualitate
adid prouocante sine iusta deliberatione con-
cipiunt desideria id faciendi.

Quarta Conclusio. Per accidens potest esse,
quod quandoque res maioris quam valeat
vendatur, quando scilicet vendens ex vendi-
tione patitur detrimentum, & est multum ne-
cessaria ementi. Potest etiam quis minoris ē
contra emere, quia res sibi parum vtilis.

Non tamen est licitum carius vēdere: quia
res est valdē vtilis ementi, néque vilius emere;
quia parum vtilitatis adfert vendenti; quia né-
que vtilitas aliena potest vendi, néque aliena
incommoditas comparari, vt benē S. Thom.
in q.d. artic. 1. tradit. quem Sotus q.d.artic.1.
conclus. 4. latius explicat.

Quinta Conclusio. Quando merces non sunt
necessariæ ad publicum vsum, siue ad vitam
transigendam: vt sunt merces victui, & ami-
& cui siue vestitui necessariæ, tunc tantum va-

Dd 3 lent,

lent, quantum vendi possunt, verbigratia, si accipitres, gemmæ, &c. nobili vendantur, quantum ipse dederit, vendi possunt. Hanc conclusionem tradunt Sotus lib. 6. quæst. artic. 3. in fin. & Iosephus Angles in floribus Theolog. qq. in 4. 2. part. in quæst. de contractu emptionis & vendit. difficult. 2. dub. 8. Ratio assignatur, quia certitudo pretij invenit est propter publicam utilitatem, & cum res, quæ non sunt usui publico necessariæ, certo pretio careant, valebunt; quantum vendi poterunt.

Sexta conclusio. Quamuis lege ciuili non puniatur, decipiens infra medietatem iusti pretij in emptione & venditione, nec contractus rescindatur, l. 2. C. de rescind. vendit. In foro tamen conscientiæ, si sit notabilis excessus, etiam infra terminum dimidiatatis, qui decipit mortaliter peccat, & tentetur ad restitutionem, S. Thom. quæst. d. artic. 1. S. Antonin. 2. part. tit. 1. cap. 16. Conrad. de contractibus quæst. 58. Medina ind. Cod. quæst. 32. & latissimè Nauarr. in capit. Nouit de iudicijs notab. 6. à. num. 47. & Coquarr. lib. 2. variar. resolut. cap. 4. numer. n. & alij multi quos hic anchor, & Nauarr. ad longum citant, quorum opinio communis est non solum apud Theologos, sed etiam Inrisperitos, probatur ratione. Decipiens etiam intra dimidium iusti pretij peccat con-

tra iustitiam commutatiuam, quia accipit alienum in uito domino, nec seruat æqualitatē inter pretium & rem venditam, quod omnium iudicio requiritur ad iustitiam in emptione & venditione, ergo peccat, & tenetur ad restitutionem. Item pater ex facris literis Levit. 25. Quando vendes quippiam cuius tuo, vel emes ab eo, non contristes fratrem tuum, i.ad Thessalon. 4. Et ne quis supergrediatur, neq; circumueniat fratrem suum, quoniam vindex est Dominus de his omnibus.

Septima Conclusio. Quando pretium iustum à repub. vel à superiori habente potestatem, alicuius rei taxatum & statutum est, qui notabiliter pretio taxato carius vendit, mortaliter peccat, & tenetur ad restitutionem excessus. Ioan. Medina in C. de rebus restituendis. qu. 37. Alphons. Castrensi lib. 1. de lege pœnali, cap. 12. Nauarr. in Manuali capit. 23. num. 88. Iosephus Angles ubi supra. art. 1. difficult. 1. Quia peccat contra iustitiam, qui rem notabiliter carius iusto pretio vendit: Iustum autem censetur pretium, quod ad publicam utilitatem, à Republ. aut Principe constituitur. *Quod de* pretio rerum taxato dictum idem extenditur ad valorem pecuniæ constitutum.

Dubium circa hanc Conclusionem. An sicut laici in tali casu peccant, & tenentur ad restitutionem; sic etiam clerici excedentes obligentur: & videtur quod non: quia sunt

Dd 4 ex-

exempti à iurisdictione laicorum, & non subduntur legibus eorum, capit. Decernimus de iudicijs, & capit. Si diligent, de foro compen. Respondeo secundum Nauarr. & Medinam. Quod quamvis clerici nō subdantur legibus, aut iurisdictioni laicorum, nec teneantur ad poenas insertas huiusmodi statutis, legibus, & edictis, etiam si violauerint, subiecti tamē sunt legi naturali & diuinæ, quæ præcipit, ne quis sua ultra iustum pretium vendat. Iustum autem pretium est, quod ab habente potestatem, determinatum est. Quare etiam clerici ratione legis naturalis & diuinæ, & non vigore edicti secularis, tenentur stare iusto rerum pretio.

Secunda difficultas. An liceat carius vendere dilatam, vel vilius ob anticipatam solutionem emere?

PRIMA Conclusio. Simpliciter loquendo, vendens rem carius notabiliter iusto pretio rigido siue maximo ob dilatam solutionem usuram coimmittit, & tenetur ad restitucionem excessus, S. Thom. 2.2. quæst. 78. artic. 1. ad ultimum, Scot. in 4. d. 15. quæst. 2. artic. 2. Conrad. quæst. 59. Sotus lib. d. quæst. 4. artic. 1. Couarr. lib. 2. cap. 3. num. 6. Nauarr. in comment. de usur. num. 26. & alibi. Canonistæ in cap. In ciuitate. & in ca. Nauiganti, eodem tit. Hinc optimè Panorm. in cap. Ad nostram de cunctis. & vend. docet huiusmodi esse usurarios, & si

Si publicè hoc faciunt, eorum testamentum esse nullum, iuxta capit. Quanquam de usur. in 6. Ratio huius conclusionis: quia rem pluri- vendere non licet, quam valet, neque plus valet, quam pretium est de præsenti currens, pretium autem rei existentiam eius comita- tur, vt res tanti æstimetur quanti est, quando exigit, & hominibus est usurpi, & sub hoc con- tractu palliatur usurpa. Perinde est rem 10. flo- renis valentem credito vendere 12. ac si decem statim numerati emptori mutuo daretur, sub usurpa duorum. Dictum (*Simpliciter loquendo*) quia ratione lucri cessantis, aut damni emer- gentis, licet rem ob dilatam solutionem carius vendere, vt DD. tradunt. In tali tamen casu sunt seruandæ conditiones damni emer- gentis, & lucri cessantis, de quibus supra. Eadem estratio si quis vilius iusto pretio emat antici- pata solutione.

Secunda Conclusio. Potest aliquis vendere merces pecunia credita ad tempus, pretio ma- ximo, siue rigoroso, quas statim pecunia nu- merata, pretio mediocri, aut pio vendidisset, Caetan. 22. quæst. 77. artic. 1. in fine. Sotus lib. 6. quæst. 4. conclus. vnica & alibi. Iosephus An- gles. loc. cit. artic. 2. 1. difficult. conclus. 2. Phi- lippus Decius consilio IIII. incipiente, Diuino implorato auxilio. Couarr. libr. 2. cap. 3. num. 2. & ratio est, quia cum pretium rigidum siue maximum non excedat latitudinem iusti pre-

Dd 5 tij.

tij, nulla committitur iniustitia, & dilatio-
lutionis ob pericula, & alia potest vendentem
mouere, vt pretium augeat in latitudine
iusta.

Tertia Conclusio. Si sit dubium, an res tem-
pore solutionis sit plus, vel minus valitum,
nec vendor erat ante tempus solutionis ven-
diturus, potest carius iusto pretio ob dilatio-
nem solutionis vendere: & nota quod ambo
conditiones debent simul concurrere, contra
Caietanum 2. 2. quæst. 78. artic. 2. ad 7. qui
vult priorem absq; posteriori sufficere. Con-
clusio constat ex capit. Nauiganti. & cap. in
ciuitate per usur. Hostiens. in summa eodem
titul. §. an aliquando, vers. Quid ergo. Co-
uarr. loc. cit. Sot. quæst. 4. artic. 2. Ioan. Major
in 4. d. 15. quæst. 32. Sylvest. verb. usura. §.
Quia propter dubium euentum, emptor &
vendor commodum & incommodum spe-
rare possunt, cum decursu temporis pretium
rerum soleat augeri vel minui. Usuram autem
committit vendens rem carius iusto preio
credita pecunia, quam non erat seruaturus ad
tempus solutionis, nec res etiam erat plus va-
litura, ex capit. Nauiganti. & cap. In ciuitate. &
DD. hæc communis est sententia. Ratio redi-
ditur ex Panormitan. in capit. In ciuitate.
Quia verus valor rei attenditur secundum
tempus emptionis & venditionis, ex cap. Cum
dilecti, de empt. & vendit. & excipitur solum

calus,

usus, quando concurrunt duæ conditiones posita, & res præsens & futura differunt tantum tempore, quando nihil mutatur in substantia: tempus autem non est vendibile.

Quarta Conclusio. Qui vendit frumentum: aut hinc quid indeterminato pretio, & ob dilatam solutionem in aliud tempus, vendit maximo pretio, quo valebit toto tempore usque ad terminum solutionis, iniquissime agit, usuram committit, & ad restitutionem excessus tenetur, cum proximo damnum contra iustitiam inferat: Hostiens. in d. §. an aliquando. Laurentius à Rodulphis in capit. Consuluit de usur, quæst. 29. & seq. Couarr. loc. cit. Syluest. in verb. usur. quæst. 5. Scot. in 4.d. 15. quæst. 2. artic. 2. Iosephus Angles part. d. in quæst. de contractu mutui difficult. 2. dub. 1. Aurea Armilla in verb. usur. num. 12. & alij alibi.

Quinta Conclusio. Si quis non est seruaturus merces suas in tempus solutionis, & vendit pecunia credita ad terminum pretio indeterminato, tempore solutionis currenti, quo tempore dubium est, sintnè plus vel minus valituræ, quam tempore contractus, non peccat. Quia cum res dubia sit potest communum esse vendentis vel ementis, ut Doctores sentiunt. Si autem tempore venditionis moralis est præsumptio, quod in termino solutionis, pluris valebunt, illicitus erit cōtractus

ex

ex parte vendentis, qui in tuto constitutum
cum alterius damno.

Sexta Conclusio. Qui emit frumentum, ut
vinum, vel aliud simile dandum tempore col-
lectionis nunc minori pretio infimo iusto co-
anticipatam solutionem, quam collecta vale-
bunt, mortaliter delinquit, & tenetur ad re-
tentionem, Panormitan. in cap. Nauigantia-
mer. 6. cum textu. Nauarr. in Mannali, cap.
numer. 227. Secus tamen si æquo pretio licet
minori, si alicui periculo subiiciuntur.

Ex prædictis conclusionibus infero aliqui
circa hanc materiam.

Primum. In hoc venditionis genere, quando
aliquid venditur carius iusto pretio pecunia
credita, vel emitur vilius ratione anticipate
solutionis, committitur vsura: quia mutuum
gitur pallio venditionis, vt DD. tradunt.

Secundum. Cum hic contractus usque adiu-
sti pretij quantitatem verè sit dicendus vendi-
tionis, ratione vero excessus mutuum praefi-
mendum, redigenda res est ad æqualitatem
sublato excessu extra metas iusti pretij, vt do-
cet Couarr. aliorum auctoritate docet, quia in
foro conscientiae omnis inæqualitas in em-
ptione & vendit. reducenda est ad æqualitatem,
vt saluetur iustitia.

Tertium illatum. Quoniam prædicti contra-
ctus sunt periculosi, vt rei veritas est, & Syl-
verb, usur. 2. q. 2. vers. Quartum tradit Ponti-

onstitutio
tex in cap. In ciuitate, consuluit esse abstinen-
dum.

entum, ut
pore col-
lo iusto
lecta vas-
ur ad refi-
gantia-
nali, capi-
pretiolic
ar.
ero aliquo
re, quando
o pecunia
icipat lo-
tuum
lunt.
que adin-
lus vendi-
in pratu-
ualitatem
ij, vt do-
et, quia in
in emp-
alitatem,
i contra-
st, & Syl-
it Pomi-
fex

Rarò enim mercatores & venditores sunt tam puræ conscientiæ, vt fraudes & turpe lumen non misceant. Radix omnium malorum cupiditas, multis oculos intelligentiæ & conscientiæ eruit, vt videant tantum ea, quæ sunt mundi.

Quartum. In perpetuo damnationis statu sunt, qui vt plurimum ob dilatam solutionem pauperibus frumenta carius iusto pretio Paschæ, Pentecostes, aut Ioannis vendunt, exempli gratia, ad terminum solutionis Martini, aut Nativitatis Christi, dico quod hi in malo sunt gradu, siue diuites siue potentes sint, nisi resipiscant, & iniuste acquisita, & à pauperibus extorta restituant. Hinc videris aliquos, qui quando tempore defectus annonæ malorum frumenti pretio iusto, rigoroso pecunia numerata venditur 10. thaleris, aut 12. ipsi ex pecunia credita ad terminum vendunt 12. aut 14. aut quod execrabilius, carius: Quod malū hisce temporibus latius regnat, crudelius sicut in pauperes, occultius eorum sanguinem fugit, & in extremam miseriam miseros adigit, & efficacius animas plurium diuitum æternis cruciatibus, vt verbis Nauarr. in capit. Nouit. de iudic. notab. 6. num. 102. vtar, obligat. Tales enim, vt hoc addam, cum hoc eorum exercitium omnibus notū sit, manifesti sunt vsu-

rarij



rarij iuxta ea, quæ Panorm. in ca. Ad nostram
de empt. & vendition. & in capit. In ciuitus
de vñst. Anton. Burg. in cap. Ad nostram. ou.
7. de empt. & vend. Ias. in l. Eius qui in provin-
cia. num. 1. ff. de reb. creditis, si certum petatur.
Decius in cons. III. Angel. in verb. vñst. 15.
10. Syluest. in eod. verb. 9. q. 2. & alij quosel
longum allegamus in c. Cum in dioecis, de
vñstis. q. 1. conclus. 2. annotant, & nisi animo
mutauerint, curauerintque illud iniustum le-
cram, quod multos diuites & potentes effici,
ante finem vitæ restitui quod rarissimè con-
tingit, cum obdurata ac obscurata eorum co-
scientia sit, licet ob potentiam & diuitias, quas
homines huius seculi mandatis Dei, canonum
obseruationi, & præceptis Ecclesiæ præponit
in hoc mundo, cum Christi fidelibus sepul-
turam communem sortiantur, post finem vi-
tæ tamen sepelientur cum diuite epulone in
inferno, & Deo mammonæ, cui fidelem fer-
 uitatem præstiterunt, coniungentur: Quia se-
cundum immobilem Dei iustitiam, potentes
potenter tormenta patientur, si sua potentia
in oppressione pauperum abutantur. Atque
hoc Deo hominibusque bonis exosum vil-
lariumque exercitium multis detestandum
ostendimus in cap. In ciuitate. q. 3. de vñst.

Quintum. Pessimè etiam illi faciunt, qui
vendant expectata solutione ad terminum

nullo

nullo determinato pretio: aduentante autem
termino, consilium contra Christum ineunt,
pretiumq; intolerabile determinant, & varijs
modis extorquent. In qua arte sancti prædi-
cantur, qui tantum vnum thalerum ratione
expectatæ solutionis de maldro frumenti per-
cipiunt, licet maiores Iudæis apud Deum sint
feneratores.

Tertia difficultas. *An & quomodo venditio
illicita reddatur propter defectum
rei venditæ?*

PRIMA Conclusio. Qui decipit aliquem in
venditione ratione substantiæ rei & spe-
ciei, mortaliter peccat, & tenetur ad restitu-
tionem, exempli gratia, si quis rustico vendat
vastanneum bene politum pro argenteo: vel
vinum mixtum aqua pro bono & puro vino
pro pretio puri vini. Isaiæ 1. Argentum tuum
versum est in scoriam, vinum tuum mistum
est aqua. Committitur in tali casu manifesta
injustitia; quomiam valor rei non est æqualis
pretio: Si autem pretium diminuatur pro va-
lore rei, non esset iniustitia. Maxima autem
est iniustitia vendere aquam pro vino. S. Tho.
22. quæst. 77. artic. 2. Sotus libr. 6. quæst. 3. artic.
2. qui legendi pro sequentibus conclusio-
nibus, & Ioan. Medina in Cod. de rebus resti-
tuendis. quæst. 34.

Secunda Conclusio. Qui fraudem facit in
quan-

quantitate, id est, pondere & mensura, mon-
liter delinquit, & tenetur ad restitucionem.
Deuteron. 25. Non habebis in sacculo diuinus
pondera maius & minus. Neque erit in domo
tua modius maior & minor, &c. abominatur
enim dominus eum, qui facit haec, & aueratur
omnem iniustitiam.

Tertia Conclusio. Qui alium decipit in qua-
litate rei, vtpote vendit equum morbidum po-
fano, vel aliam rem vitiosam pro bona & in-
gra mortaliter agit, & tenetur ad recompen-
sationem damni: quia proximum decipit con-
tra iustitiam.

Quarta. Qui ex ignorantia inuincibilis &
probabili prædictis modis aliquid vendit, non
peccat, tenetur tamen ad restitucionem, cum
ad eius notitiam venerit.

Quinta. Quæ dicta sunt de vendente, intel-
ligenda etiam de emente. Si enim vendor es-
set simplex, & non cognosceret rei pretium, &
empor emeret rem pretiosissimam vilissimo
pretio, peccaret cum obligatione pretij res-
titutionis: vel à rustico vendenti equum sanum
& bonum pro morbido, quia defectum aliquæ
reputaret non existentem.

Sexta. Quando vitium rei occultum est, per
quod emptori, vel damnum datur, vel peri-
culum creaturæ, illicitum est celare, & vendens
tenetur ad resarcendum damnum, si quod
sequitur. Si autem vitium occultum, & emp-
tori

tori non sequitur damnum , nec periculum
instat , modo emptori res sit utilis pro pretij
ratione & quantitate , vendens non tenetur
vitium manifestare.

Septima. Quando vitium est manifestum
emptori , vendor non tenetur significare :
quia nulla est necessitas diuulgandi.

Ex his possunt aliqui casus resolui.

Primus. Quid dicendum , si quis vinum v-
nius generis pro alio vendat , exempli gratia ,
Moseillanum pro Rhenen.

Reſp. Si æquum sit pretium , & alius si sciret
non emeret , peccat quidem , sed ad nullam re-
ſtitutionem tenetur , cum non committatur
injustitia.

Secundus. Adueniunt multi milites , hospes
non potest omnibus satisfacere propter mul-
titudinem , diminuit mensuram . An liceat il-
lis dare minorem mensuram .

Reſp. Si sit necessitas , & non possit alias om-
nibus subvenire , non committitur peccatum ,
nec restitutioſis obligatio : Si pro diminutio-
ne mensuræ , etiam pretium diminuatur : Si
autem mensura diminuatur , & non pretium ,
manifesta est iniustitia . Idem est iudicium de
pistoribus , qui panes militibus vendunt .

Tertius. Hospites ad quid teneantur , quan-
do aduentantibus , vinum aqua mixtum pro-
ponunt .

Reſp. Si æquitas pretij seruetur , peccatum
Ee com-

commititur, si peregrini scirent, & non emerent: At si vinum aqua mixtum pro pretio pri vini vendatur, manifesta iniustitia est, nascitur restitutionis obligatio.

Dubium. An emptor teneatur reuelare rem iustum rei pretium, quando est ignarus.

V A M V I S Caietanus in verb. Emptio dicat, quod non teneatur, tuitio tamen sententia est, quod sic: quia alium decipit, & non voluntariè sic vendit, Calderin. & Panormit. in cap. fin. de vsur.

An licitum sit vendere rem cum pacto de retrouendendo tempore statuto, vel quando placuerit venditori?

DE hac venditione legendi canonifz. capit. Ad nostram de emptio. Conant. lib. 3. variar. resolut. cap. 8. Nauarrus in Manuali, cap. 17. num. 247. & in commentario de vsuris. nu. 78.

Dicendum primo. Talis contractus de retrouendendo, est multum si spectus de usura, et d. cap. Ad nostram. & DD. citatis.

Secundo. Contractus venditionis cum pacto de retrouendendo eandem rem tempore definito aut indefinito est licitus, si fundum Cod. de pactis inter emptorem & venditorem compositis: quia ibi nulla interuenit iniustitia, cum tam venditor, quam emptor sine alio.

alterius detimento lucrum consequatur. Ad iustitiam tamen huius pacti aliqua concurrere debent. *Primum*, vt in rei veritate intercedat emptio, & non simuletur ab emptore. *Secundum*, quoniam huiusmodi pactum est in favorem venditoris, & onus emptoris, vt fiat diminutio pretij. Quare quando emens huiusmodi pactum intendit, multum est negotium suspectum de usura, nisi magna charitate afficiatur erga venditorem. *Tertium*, hoc pactum non debet esse, vt redemptio fiat maiori pretio, quam emptio facta est: pretium autem taxandum ad arbitrium boni viri. Si autem huic contractui apponatur pactum, vt res pereat periculo vendentis, & non emptoris, tunc est usura palliata: quia iure naturæ res empta peremptori, cum sit iam sua.

De Monopolio.

DE hac materia vide Sotum libr. 6. q. 2. art. vlt. in fi. Iosephum Angles in q. de empt. & vendit. Caietanum 2.2. q. 77. artic. 1. Nauar. cap. 23. num. 92.

Monopolium, est singularis negociatio in ciuitate, cum aliquis vel aliqui afferuant merces & conueniunt, quod nolint vendere nisi eo pretio, quod ipsis videtur. Ad monopolium etiam spectant, cum duo vel tres mercatores exeunt obuiam merces aut frumentum deferentibus, & emunt, vt carius

Ee 2 dein-

deinde vendant. Huc etiam referendum datur, quando aliquis a principe impetrat priuilegium, ne certi generis merces ab alio quam ipso in populi damnum notabile vendantur. Qui do facientes Monopolium injusto pretio vendunt, aut notabile daimnum, ut plerumque fieri solet, inuehunt in rem publ. grauiissime peccant cum obligatione restitutionis, ex una. Co. de Monopolij, & apponitur pars exilij, & spoliationis omnium bonorum. Idem ut tradit Iosephus Angles dicendum libri, quibus conceduntur priuilegia, ne quis preteripso tales librum excudat, aut vendat. Si ratione talis priuilegij carius iusto precio vendant, & res publica damnum in singulis personis patiatur, peccant & tenentur ad restitutionem. Nec solum huiusmodi factes tenentur ad restitutionem, sed etiam domini concedentes priuilegium hoc, & reliqui qui sunt causa iniustæ acceptioonis, ut recte Caietan docet.

Est etiam detestabilis quasi quedam monopolij species, quando rustici in elocatione reddituum, aut decimarum conueniunt, ne quis augeat nisi ad summum ab ipsis constitutam, etiam si plus redditus, vel decimæ valeant.

Licium autem est aliquando Reipub. & principi ob bonum commune & publicam utilitatem statuere aliquos, ut aliqua minutatim pro pretio tolerabili vendantur.

CA-